

海南地方志丛刊

海南地方文献丛书编纂委员会编纂

# 道光广东通志

## 琼州府

下册

(清)阮元总裁 陈昌齐总纂

海南出版社



海南地方志丛刊

海南地方文献丛书编纂委员会汇纂

主 编 洪寿祥

执行主编 周伟民

# 道光广东通志·琼州府

下册

(清)阮元总裁 陈昌齐总纂



海南出版社

图书在版编目(CIP)数据

道光广东通志·琼州府/(清)阮元总裁,(清)陈昌齐总纂;  
蒋志华等点校. -海口:海南出版社,2006.10  
(海南地方志丛刊/洪寿祥,周伟民主编)  
ISBN 7-5443-0805-7

I.道... II.①阮... ②陈... ③蒋... III.海南省—  
地方志—清代 IV.K296.6

中国版本图书馆 CIP 数据核字(2004)第 050117 号

道光广东通志·琼州府

蒋志华 段晓春 郭详文 罗焕好 点校  
责任编辑:袁大川

\*

海南出版社出版发行

(570216 海口市金盘开发区建设三横路 2 号)

全国新华书店经销

湖南新华印刷集团有限责任公司印刷

2006 年 10 月第 1 版

2006 年 10 月第 1 次印刷

开本:880×1230 毫米 1/32 印张:28.75

字数:508 千

ISBN 7-5443-0805-7/K·162

定价:78.00 元

## 海南地方文献丛书编纂委员会

|       |     |     |     |     |
|-------|-----|-----|-----|-----|
| 顾问    | 陈玉益 | 蔡长松 | 周文彰 | 王学萍 |
| 主编    | 洪寿祥 |     |     |     |
| 执行主编  | 周伟民 |     |     |     |
| 常务副主编 | 郑行顺 | 袁大川 |     |     |
| 副主编   | 徐庄  | 潘在积 |     |     |
| 编委    | 王经华 | 李昭淳 | 刘剑三 |     |
|       | 余虹  | 张三夕 | 张春明 |     |
|       | 侯月祥 | 倪俊明 | 唐玲玲 |     |
| 编务    | 杨德禧 |     |     |     |

## 《道光广东通志·琼州府》

点校 蒋志华 段晓春 郭详文 罗焕好

# 目 录

|                                 |       |
|---------------------------------|-------|
| 前言 .....                        | (1)   |
| 郡县沿革表 .....                     | (1)   |
| 职官表 .....                       | (35)  |
| 选举表 .....                       | (203) |
| 历代制举辟荐(203) 宋元明进士(213) 明举人(221) |       |
| 国朝进士(241) 国朝举人(243)             |       |
| 封建表 .....                       | (251) |
| 輿地略 .....                       | (253) |
| 疆域图(253) 晷度、分野、气候(279) 户口(286)  |       |
| 风俗(292) 物产(298)                 |       |
| 山川略 .....                       | (315) |
| 山(315) 川(346) 水利(370)           |       |
| 关隘略 .....                       | (385) |
| 海防略 .....                       | (395) |
| 建置略 .....                       | (403) |
| 城池(403) 廨署(413) 学校(426) 坛庙(454) |       |

|                                 |       |
|---------------------------------|-------|
| 梁津(473)                         |       |
| 经政略 .....                       | (489) |
| 铨选恤助经费附(489) 禄饷(494) 恤政(495)    |       |
| 田赋(498) 盐法(510) 榷税(511) 积贮(517) |       |
| 祀典(519) 土贡(521) 学制(522) 兵制(530) |       |
| 邮政(549) 船政(553)                 |       |
| 前事略 .....                       | (555) |
| 艺文略 .....                       | (571) |
| 经部(571) 史部(573) 子部(579) 集部(582) |       |
| 金石略 .....                       | (587) |
| 古迹略 .....                       | (593) |
| 城址(593) 署宅(599) 冢墓(619) 寺观(625) |       |
| 宦绩录 .....                       | (631) |
| 谪宦录 .....                       | (715) |
| 列传 .....                        | (761) |
| 人物(761) 列女(827) 耆寿(862) 方技(863) |       |
| 流寓(864) 释老(867)                 |       |
| 岭蛮 .....                        | (873) |
| 杂录 .....                        | (887) |
| 海南地方志丛刊目录 .....                 | (901) |

## 崖州

州学,宋建在城外东南隅,郡倅慕容居中移城北,后知州莫豫复旧址。淳熙十四年,知州周酈重修。淳祐五年,知州毛奎移于州城西南。元大德间,学正齐孟坚铸祭器。泰定三年,学正陈世卿、达鲁花赤脱脱木、军州判王起复移于城东。天历二年,清复学田。至正五年,同知罗伯颜移于城西,后复徙于城外西南隅。明洪武三年,判官金德仍旧址开建。九年,知州刘斌重建射圃诸制。二十六年,同知顾言建明伦堂。永乐九年,学正王礼等建斋舍。宣德五年,知州侯礼、学正贾鲁重建。正统十一年,知州欧阳进、学正钟琼迁学门于东,建号房。天顺五年,知州王铎、学正许端惠复迁学门于西南。成化七年,知州徐琦重修。丘濬记略:昔者圣人述经,于《诗》则惩荆舒,于《春秋》则夷吴楚。所以惩之夷之者,盖以先王之道不行于其地故尔。抑孰知圣人百世之后、而其道又越荆楚舒吴而南数千里之远,以至于百越之墟、大海之外乎!孔子曰:“道不行,乘桴浮于海。”其言盖至是验矣!凡天下郡国皆居海内,惟琼一郡独居海之外,而崖在前代再涉鲸波,非舟楫之利涉不可以通,然而释奠之宫、弦诵之所与中州等,岂非圣人之道行于海之验欤!崖有学,肇于宋淳祐中,知军毛奎始创于城西。元泰定中,徙城东。至正中,又复其旧。入国朝来,虽屡更修葺,然皆苟焉而已。成化六年,丰城涂公伯辅以广宪台副使者之节,专镇琼郡,按部至崖,慨学宫之库陋,悯学校之废弛,乃命知州事诸暨徐君琦拓其址而前之,视旧少西。凡学宫规制所当有者,咸一新之。其费一出于公,民弗知。规模宏敞,藻绘绚耀,州人父老过者惊叹,以为昔所

未有。徐守谓崖学创于宋，历元至今，未有为之记者，以书来征于文记其事。惟昔圣人兴浮海行道之叹，而继之以“从我其由”之语。夫当圣人振铎之时，必欲其道行于远，尚有赖于贤哲之士相与左右之，刳去圣人数千年，微言绝、异端起之后乎？吾知圣人在天之灵，固不能不望于后世贤哲之士相与左右而作兴之也。崖自汉入职方，千三百余年于兹，立为学校，又四百年于兹，圣道之行于兹士也，不为不久矣，然而风俗未至于纯美，人才未至于大振，岂无其故欤？意者左右而振作之者，未得贤哲之士如仲由者欤？今崖学幸得宪副君作兴于上，而又得徐守协力以怱愚之。自今而后，诵读有其地，休息有所，而崖之士民于此犹不思所以奋发勉励，以求渐进乎圣人之道，追原其咎，必当有任之者。因书以谗焉，且以示夫后之人。成化癸巳冬记。弘治二年，副使陈英、知州林铎迁州治东。正德十年，知州徐潭重立棂星门。黄《志》嘉靖间，知州叶应时改建庙堂。万历七年，知州张永昌建进贤、敬一亭，启圣祠，名宦、乡贤祠。四十一年，迁建州西。崇祯七年，知州朱宏、学正刘起相复迁城外东南隅。国朝康熙六年知州李应谦、学正朱子虚从州士请，移迁南门外宋元旧址，创建殿庑、堂斋，祠宇俱备。雍正十年，知州杨城复移建城内州治东。《府志》

珠崖书院，在东门。乾隆十九年知州宋锦、二十九年知州金绅先后倡捐膏火，增建号舍。同上。

### 感恩县

县学，宋立，在县治之左。元因之。明洪武三年，知县黄忠信仍旧址重建。十八年，县丞杨幹以地狭隘，移于县治东北，创建殿堂。永乐间，知县郭绪重建。景泰元



年,训导王川重修。成化三年,知县莫宣重修。九年,复建明伦堂、两斋、射圃。弘治十四年,毁于黎寇,徙于南城外,修葺未备。黄《志》万历二十五年,知县朱景和迁建县东,即今学。三十八年,知县陈谊建启圣祠。国朝康熙四十二年,知县姜焯重修。《府志》乾隆元年,题准部复,动项修葺。《司册》三十一年,知县杨侃重建。《县册》

义学,在东门外。康熙四十一年,知县姜焯建。《府志》。姜焯有记,不录。

**琼州府社学四**雁峰社学,在城东南隅府学故址。乾隆三十六年,郡绅士捐建。巡抚德保有记,不录。朱崖社学,乾隆四十年,郡绅士建。海口社学,在所城内。康熙初年建,后为守备署。乾隆二十七年,邑生监等捐建于城东。宝荫社学,在大那邕。乾隆八年,吏员吴宗义建。谨按《府志》:明初昭天下,每十五家设一社学,延生员有学行者训军民子弟。正统、景泰间,复撤诸郡邑,选良士主社学,以训童蒙。旧志载,成化间,琼州社学共一百七十有九,琼山八十有一。可纪者仅七学,其余无可考。各州县亦多不可纪,姑存其额于各州县下。

**琼山县社学五**东关、西关、南关、北关、中城。

**澄迈县社学六**嘉乐、铁江、瑞溪、大美、扬宣、石湖,俱乾隆十年教谕周炳倡捐建立。谨按旧志:明成化间,副使涂棐、知县周泰建社学十九处。今皆废。

**定安县社学三**东乡、西乡、南乡。

**会同县社学五**端赵、永安、嘉会、积善、太平。

**乐会县社学**旧志载,十二乡各设一社学。今惟博教、秉信尚存,余皆废。谨按《府志》:各乡社学,惟上大乡疑即明迈汤义学,其余十一学据县志补入,建置年代未详。又,明成化间,乐会社学五,今无考。

**临高县社学**一县东。

**儋州社学**三零春、顿积、峨蔓。郝《志》。谨按:《州志》云,社学十七,俱明洪武间建,今仅存其名。《省志》所载社学三,惟零春疑即零春别馆,顿积、峨蔓无考。

**昌化县社学**按旧志载昌化社学二,今无考。《县志》载:社学四,曰东西厢学、北岸都学、英德都学、抱驿都学。

**万州社学**八北关、南关、周村、冯吴、莲塘、小南山、番浦、槟榔村。谨按旧志,明成化间社学六,今无考。《州志》载社学七,曰有声、曰周村、曰冯吴、曰莲塘、曰小南山、曰番浦、曰槟榔村。

**崖州社学**十六明成化间,副使涂槩立。今俱无考。

## 坛 庙<sup>①</sup>

### 琼山县

**社稷坛**,旧在城西南,明洪武二年,知府宋希颜迁于城西北。国朝康熙二十七年,同知潘廷侯修筑。乾隆四年,知县杜兆观重修。《府志》

① 辑自原书卷一百五十一。

风云雷雨山川坛，明洪武年建于南郊外。国朝乾隆四年，知县杜兆观移迁于城西北隅。

先农坛，在城东门外。

厉坛，在城东北一里。

关帝庙，旧在府署左、海南卫右。明弘治初，迁于抱珥山今道署右，即古琼台也。正德十三年、万历四十三年、四十五年，屡修。国朝康熙十年，巡道范养民、知府牛天宿重修。三十一年巡道党居易、五十一年巡道申大成捐修。乾隆六年，圯于飓风，知县江日暄重修。九年，巡道谢橧、总兵黄有才、知府于需、知县杨宗秉协捐，移建于旧府学宫之西抱珥山，庙遂废。二十二年，巡道张介祺复建于旧址。今二庙并祀。

府城隍庙，宋、元建在西关外。明洪武二年，知府宋希颜移建府治东南。成化间，知府蒋琪迁于府东。正德十四年，知府曾大庆迁于府署西南、县署之东。万历间，又迁于今道署之东，以旧庙改为海忠介公祠。崇祯十七年，学道林汝翥、知府张允佳、琼山县知县李琦迁复旧庙，而以道署东庙为海公祠。国朝乾隆三十九年，知府萧应植重建。雷琼道吴九龄记略：乾隆己亥，檄十三州县捐俸重修，而一时士商踊跃，亦复捐金相助，遂属萧守择绅士之公正廉能者董其事。

县城隍庙，在县治东。康熙四十四年，知县王赞重修。乾隆四年，圯于飓风，知县杜兆观、杨宗秉相继修。

三十九年,知县汪屋重修。

风神庙,在东关外,旧名飓风祠,明万历四十五年建。失名《飓风祠记》:飓风祠,在琼州。又,感恩有息风山,中有巨穴,深不可测。每飓风发,入祷之,则止。他如雷州有飓风坛,以祭飓风。凡岭海所在,遇六七月皆有飓风。若琼、雷二州尤多,故各立祭所。飓风,一曰惧风,言人所怖惧也。《南越志》:飓者,具四方之风也。言风起始于东北,继转而南,终转而西,故曰具四方之风。又云飓风未至时三日,鸡犬为之不安。《岭表录》:夏秋之间,有晕如虹者,谓之飓母,必有飓风。□<sup>①</sup>,旋风也。以旋转四方,与《南越志》具四方之风义同。予谓,祭飓风于既发,不若祭之欲发之时,则祠飓风,岂如祠飓母不生飓风哉!国朝改为风神庙,其外即迎春馆。

龙王庙,在金粟泉上,即二苏祠。乾隆十七年,巡道德明暨府县改建。

文昌庙,在西关内,今总镇府前。有田租经费。

真武庙,在北楼上。雍正五年,知府宗思圣重修,拨置田租。

天后宫,在海口。元代建。俱同上。

南宫庙,祝融神也,在州东南二里。琼人祠之甚严。《舆地纪胜》

灵山祠,在县东南灵山。《大清一统志》所祠之神有六,曰灵山、香山、琼崖、通济、定边、班师,始于宋、元间。明洪武初,重建。三年,例勘神祇,知府宋希颜以其能兴云

① 阙一字,疑为“飏”。

雨、御灾患，奏入祀典。岁以三月九日祀之。成化间，副使涂棐祷雨，辄应，始大其庙。《府志》。涂棐有记，不录。国朝康熙四十四年，按察使黄国材、雷琼道焦映汉、知府贾棠重修。雍正七年，知府宗思圣重修。乾隆三十九年，知县汪屋拨置田租。

马王庙，在子城内，与火神并祀。

忠义孝弟祠，节孝祠，俱在学宫右。俱同上。

昭忠祠，在城隍庙内西廊。门外恭悬敕建昭忠祠匾额，内安置阵亡官兵、乡勇牌位致祭。嘉庆八年，奏准捐建。《司册》。琼山县附郭首邑，俱从府祭。

景贤祠，在奇甸书院。明正德十年敕建，赐额，祀宋臣苏轼、明臣丘濬。黄《志》。丘濬尝奏请立奇甸书院，择师以教乡子弟，乡人因祀苏文忠轼于中。至是，礼部尚书刘春以濬有著述翼世功，始奏请合祀，每丁祭后行礼。嘉靖三十二年，何元述重修。国朝康熙四十二年，建苏、丘、海三公专祠，而景贤遂废。《府志》

苏文忠公祠，旧在城东门内。

丘文庄公祠，旧在北门外，名景贤祠。

海忠介公祠，旧在郡城内城隍庙旧址。明万历间，知府高维岳申请特祠以祀。以上三祠岁久倾圯，祠宇无存俱。国朝康熙四十二年，雷琼道黄国材、知府贾棠、同知姚哲捐俸，复专祠于社稷坛左右。

翊正祠，在西湖。明参政郑廷鹄建，祀宋周、程、张、

朱,明陈献章六君子。

十贤祠,在城东门内。旧为东坡祠,后附祀琼守王伯贞、徐鉴。明成化间,知府蒋琪于学宫旧址建祠,专祀王、徐二公。弘治初,知府张英迁祠于兵备署右。谨按:王伯贞、徐鉴事迹,见《名宦》,自有传。李东阳《祠记略》:琼州府旧有二贤祠,祀知县王、徐二公。始附祭于苏文忠公祠。事有不平者,则往诉之,若官府然。成化初,知府蒋琪建祠于府治西,名先贤祠。久乃倾圮。弘治初,张英改建御史行台之右。十年,提学僉事宋端仪祀二公于郡学仰止堂。正德十六年,诸生呈请与汉路博德十七人一体祀,易祠名曰先贤。谨按:据李东阳记,则先贤祠名不始于正德。《府志》误也。后仍以十七人祀琼郡名宦,而于王、徐二公祠内附祀副使游琯,名三贤祠。嘉靖间,士民请附祀知府张子宏,名四贤祠。万历四十六年,士民请增祀知府史朝宜,改为五贤。后又增提学道胡训、魏成忠,知府李多见、蒋一鸿,更名曰九贤祠。岁久倾圮,祠宇无存。国朝康熙四十二年,知府贾棠建苏文忠、丘文庄、海忠介三公专祠,因附建于三公祠之左,以士民请,增祀总兵王起龙,为十贤祠。

孝义祠,在郡东南博冲村,祀孝子王绍。王绍事自有传。

忠勇祠,明嘉靖三十六年,知府黎秀建。祀御海寇阵亡陈进等十五人。

仁孝祠,明洪武初,孝廉文以纯、文以秀合族建祠,公置义田,垂济乡族。嘉靖间,副使史朝宜名其祠曰“仁

孝”。俱同上。

考古祠，在县学明伦堂后。明嘉靖间，知府金椿建，祀教谕赵谦。黄《志》

谢公祠，在城北。明万历间，士民建，祀知府谢继科。《府志》

江公祠，在海口城，祀江起龙。同上。谨按：江起龙事已详雷州府。

伏波威武庙，即汉两伏波也《舆地纪胜》在郡城北龙岐村《府志》

柔惠祠，在郡城西南，祀冼夫人。同上。谨按：伏波、冯冼氏，雷琼诸郡县俱有祠，记不悉详。

### 澄迈县

社稷坛，在城西一里。《府志》

风云雷雨山川坛，在城南一里。

先农坛，在东门外。

厉坛，在城北一里。

关帝庙，在通潮门外。明知县唐起宾建。国朝康熙二十四年，知县吴世焜捐修。四十八年，知县高魁标重修。

城隍庙，在县署东。顺治十二年，知县王学典重修。康熙四十八年，知县高魁标增建前后殿。

文昌庙，在学宫东。康熙四十七年，知县高魁标重建。

天后宫，明建，在通潮门外。国朝康熙四十六年，高

魁标重建。

伏波庙，宋建，在城东南二里，明天顺间修。国朝康熙十六年，知县吕登瀛重建于东门外。

忠义孝弟祠、节孝祠，俱在县治西门外。俱同上。

### 定安县

社稷坛，在北郊。《府志》

风云雷雨山川坛，在南郊。

先农坛，在东门外。

厉坛，在城北二里。

关帝庙，在北门。

城隍庙，在城东南。康熙六年，知县杨天授重修。二十四年，训导陈琛复建。

天后宫，在中街。

忠义孝弟祠、节孝祠，俱在南门内。

林、李二公祠，祀巡道林嗣环、知县李宏名。当明季兵寇，田土尽荒，嗣环与宏名详免粮十分之七。邑人德之，建祠以祀。

杨公祠，在东门内，邑人建，祀知县杨天授。俱同上。

食德祠，祀教谕梁廷佐母冯氏。谨按：事见钮秀《觚剩》，云琼士之赴省试者，越海溯川，途经三千里，往往困于裹粮，多至中阻。顺德梁廷佐为定安教谕，迎养其母冯氏。冯目击其艰，呼廷佐而语之，曰：“汝忝为人师，教与育，皆汝事也。今定安之士贫不能应试，而汝能漠然乎？我手治丝葛，得绢布若干匹，并鬻我簪珥，买田于是邑，取其入，以供往来行李，俾单寒士子俱踊跃于功名。”廷佐遵命，置田三百亩于居丁庄。诸生群感其德，



即于庄之左为冯建立生祠。康熙辛未落成，设位于内，至者千有餘人。题其额曰“食德”，志弗忘也。冯年二十娠廷佐，七月而寡，抚廷佐慈而严。考之妇人生祠，前所未闻，今适与洗夫人庙相邻。洗受禄保民，冯置田育士，洗以功显，冯以节成，岿然海南，允堪并峙。

### 文昌县

社稷坛，在城东门一里。《府志》

风云雷雨山川坛，在城南一里。

先农坛，在东门外。知县彭锡璜移建镇田山。

厉坛，在城西北一里。俱同上。

七星岭神坛，在县北一百五十里。祀始于宋、元。明洪武三年，知县周观请入祀典，以八月十六日致祭。黄《志》

关帝庙，在城外便民市。明万历间创建。国朝康熙间，城守白天恩重修。乾隆三十七年，知县余发林重修。嘉庆六年，邑人陈发舜等重建。知县刘敬熙有记。《府志》。记不录。

城隍庙，在县治南，后移北门。康熙二十六年，知县何斌仍迁建旧址。五十六年，知县马日炳重建。乾隆三十七年，余发林重修。

龙王庙，在城东。乾隆三十一年，知县王煊章重建。

文昌庙，在学宫崇圣祠后。

天后宫，旧在紫贝山，后迁下市。康熙五十三年，知县马日炳重修。一在清澜所城外。

真武庙，在城南。康熙五十五年，知县马日炳重建。